

incolatum post mortem Christi selegit. Quod certissimum est, & sine umbra dubietatis clarissimum, animam ejus sanctissimam statim post separationem a corpore evolasse super choros Angelorum ad coelestia regna: & si quis hanc veritatem soleclariorē ausus fuerit impugnare, omni severiori censura puniendus erit.

Aliquando apud saeculorum priorum vetustos Patres dubitatum fuit de ejus resurrectione statim post mortem, & de ejusdem corporis glorificatione, & Assumptione in coelum: quare auctores antiquorum Martyrologiorum agnoscentes vim nominis *Assumptionis* indicarunt ejus Festum nominibus *Depositionis*, *Dormitionis*, *Pausationis*, & *Transitus Mariae*. Hinc piissimus Pater Suarez 3. p. qu. 37. art. 4. disp. 21. sec. 2. ingenue fatetur, *Sententiam Assumptionis Virginis in corpore, & anima in coelum non esse de fide; quia neque est ab Ecclesia definita, nec est testimonium Scripturae, aut sufficientis traditio, que infallibilem faciat fidem; tamen summa temeritatis reus crederetur, qui tam piam, religiosamque sententiam hodie impugnaret.*

Fere omnes Sancti Patres media, & postremæ etatis asseruerunt Virginem statim post mortem resurrexisse, consummatamque gloriam percepsisse per ejus Assumptionem in coelum in anima, & corpore. Sanctus Gregorius Turonensis lib. de miraculis cap. 4. S. Andreas Hierosolymitanus Cretensis Episcopus Oratione 2. de laudibus Assumptæ Virginis. S. Gregorius Magnus in Sacramento hanc Orationem praefigit recitandam pro Assumptæ Virginis solemnitate, qua utitur Ordo Prædicatorum: *Veneranda nobis Domine hujus diei festivitas opem conserat salutarem, in qua Sancta Dei Genitrix mortem subiit temporalem, nec tamen mortis nexibus deprimi potuit, que Filium tuum de se genuit incarnatum.* S. Ildephonitus Tolitanus Episcopus fer. 6. de Assumpt. S. Johannes Damascenus or. 2. de Dormitione Deiparae. S. Fulbertus Carnotensis Episcopus fer. 2. de Nat. Virg. B. Petrus Damiani fer. de Assumpt. S. Bernardus de Assumpt. Virginis. Hugo a Sancto Victore lib. 3. eruditio[n]is Theologicæ. Petrus Ble-